

Wasser an Wasserflüss an mülstetten an Weg an steg an gebwem an vngebwem an / vogtlüten an altarlüten an aigenlüten an phantlüten an phantstüren an zehenden an grunt an grät ob erd vnd vnder / erd besücht vnd vnbesüchtz benemptz vnd vnbenemptz fundes oder vnfundes ald wie dz denn alles genant gehaissen vnd wä / dz gelegen ist mit aller jr zügehörden glich nütz vsgenommen vnd öch für ledig vnd für lös vnd für vnuerkumbert vnd vn- / ansprächig vnd für Recht fryg aigen vnd besonderlich zü allem Rechten vnd aigem vnd mit aller gewaltsami als / wir denn dz jnngehebt herbraucht besessen vnd genössen habin ane alle geuerd. vnd verzichen vns öch mit disem brieffe für vns / vnd vnsere erben vnd nachkomen der obgenant zwain vestina vnd Burgstale der n u w e n vnd der a l t e n s c h e l l e n b e r g mit aller zügehörd / alles Rechten vordrung vnd anspräch die wir oder vnsere erben oder jeman andern von vnsern wegen dar zü vnd dar näch jemer me / möchten gehän vnd gewinnen sust vnd so in dehain weg Wan wir vns der lüterlich vnd aller ding entzigen vnd verzigen habin / wie Recht ist vsere vnsere hand vnd gewaltsami jn jro hand vnd gewaltsami an all geuärd vnd argelist vnd dar vmb / so hät vns der obgenant vnsere lieber Tochterman Gräff Wilhelm von M o n t f o r t gegeben vnd gäntzlich vnd gar gericht gewert / vnd bezalt drü Tusent vnd acht hundert vnd Sechs vnd vierzig guldin vnd vier schilling haller alles güter gänger vnd / gäber Recht gewegner Rinscher guldin vnd die alle in vnsern Redlichen schimbären nutzze kommen bewent vnd beschiben sind des / vns wol benügt vnd nach vnserm güten Willen vnd also so sullen wir vnd vnsere erben ditz köffs des vngenant vnsers töchter- / mans Grauff Wilhalm von M o n t f o r t vnd siner erben Recht geweren sin näch aigens lehens vnd landes Recht vnd näch dem / Rechten Also vnd mit sölicher beschaidenhait wz irrung vnd anspräch im vnd sinen erben dar an beschäch vnd wider für ee / dz sy dz besezen vnd genössen hetten als recht wär wie wä wannen von wem dz beschäch vnd hergieng das sullen wir vnd / vnsere erben im vnd sinen erben bi jr ersten vordrung vnd manung vsrichten vnd si des vertretten vnd Richtig vnansprächig machen / nach dem Rechten vnd vorgeschriben stät gäntzlich vnd gar äne allen jrn schaden wer aber dz sy sich selber müsten vertretten / versprechen vnd verstän es wär mit Recht ald äne Recht vnd dz sy des zu dehainem schaden kämen wie der schad genant ald / gehaissen wär nütz vsgenommen den schaden allen sullen wir jnen vsrichten vnd